

# SCRIPTA

---

**Numéro Scripta :** 3472

**Auteur(s) :** Pierre de Mailly [chevalier]

**Bénéficiaire(s) :** Louis IX, France (roi)

**Genre d'acte :** charte

**Authenticité :** non suspect

**Datation :** 1239, juillet

**Action juridique :** vente

**Langue du texte :** latin

## Analyse

Le chevalier Perre de Mailly vend pour 640 livres tournois à Louis [IX], roi de France, avec l'accord de sa femme Jeanne, toute la terre que le roi lui avait assignée au Vaudreuil.

## Tableau de la tradition

### Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Harde l (MSAN ; 16, 2e série, 6, p. 160-390), 1852, n° 443, p. 72.

Texte établi d'après a

Ego p. de Malhaco, miles, notum facio universis presentes litteras inspecturis, quod ego de assensu et voluntate Johanne, uxoris mee, vendidi karissimo domino meo Ludovico, Regem (sic, l.: Regi) Francie illustrissimo, totam terram quam ex assignatione ejusdem domini Regis michi facta pro quinquaginta quatuor libratis terre, ratione cujusdam partis escambii quod michi fecit pro terra mea de Pictavia habebam apud Vallem Rodolii in molendinis, censibus, hospitibus, redditibus et rebus aliis, necnon et domum quam edificavi ibidem, pro sexcentis et quadraginta libris turonensium, de quibus michi plene est satisfactum. Quam venditionem ego eidem domino Regi et ejus heredibus teneor guarantire et ad hoc eidem obligo totam terram meam, quam teneo de ipso, ita videlicet quod si uxor mea vel aliquis alius in futurum, jure dotalicii vel alia ratione, reclamaverit aliquid contra venditionem predictam, et per jus retraxerit vel revocaverit predicta, que domino Regi vendidi, sicut premissum est, volo et ad hoc obligo me et heredes meos, quod eidem domino Regi assignetur alibi in terra mea, ubi voluerit idem dominus Rex, extra fortericiam, terra equivalens quantum de venditione predicta revocatum fuerit vel retractum. Hanc autem venditionem Johanna uxor mea voluit, laudavit et concessit, et juravit super sancta, quod in predictis, que domino Regi vendidi, nichil in posterum jure dotalicii seu alia ratione per se vel per alium reclamabit. In cujus rei testimonium presentes litteras tradidi domino Regi sigilli mei impressione signatas. Actum anno Domini M° CC° XXXIX°, mense julio.